

5. 611100 - Bruto plaće i naknade iznos 21.604 KM
6. Odobrava se unos sredstava (primljeni transfer, konto 731111) OŠ "Čengić-Vila I" u iznosu od 280 KM, koja je školi dodijelila Turska ambasada - Turski kulturni centar Yunus Emre za dio plaće nastavnika turskog jezika koji je angažovan za realizaciju nastave turskog jezika u toku 2013/2014. i 2014/2015 školske godine po članu 3 Sporazuma o saradnji.
7. Sredstva iz tačke 5. ove odluke evidentirat će se u razdjelu 21 - Ministarstvo za obrazovanje nauku i mlade, glava 02, potrošačka jedinica 0028 - OŠ "Čengić-Vila I" na ekonomskom kodu:
8. 611100 - Bruto plaće i naknade iznos 280 KM
9. Odobrava se unos sredstava (primljeni transfer, konto 732116) Zavod za specijalno obrazovanje i odgoj djece "Mjedenica" u iznosu od 1.750 KM, koja je školi dodijelila Općina Stari Grad za projekat "Podrška učenicima sa govorno-jezičkim poremećajima u osnovnim školama na području Općine Stari Grad"
10. Sredstva iz tačke 7. ove odluke evidentirat će se u razdjelu 21 - Ministarstvo za obrazovanje nauku i mlade, glava 02, potrošačka jedinica 0064 Zavod za specijalno obrazovanje i odgoj djece "Mjedenica" na ekonomskom kodu: 613900 - Ugovorene i druge posebne usluge iznos 1.750 KM
11. Odobrava se unos sredstava (primljeni transfer, konto 732116) OŠ "Vrhbosna" u iznosu od 1.200 KM, koja je školi dodijelila Općina Stari Grad za ekskurziju učenicima slabog imovinskog stanja.
12. Sredstva iz tačke 9. ovog Zaključka evidentirat će se u razdjelu 21 - Ministarstvo za obrazovanje nauku i mlade, glava 02, potrošačka jedinica 0062 OS "Vrhbosna" na ekonomskom kodu: 613900 - Ugovorene i druge posebne usluge iznos 1.200 KM
13. Ministarstvo finansija će evidentirati i proknjižiti uplaćena sredstva i izvršiti plaćanje po naredbi Ministarstva za boračka pitanja, Ministarstva saobraćaja i Ministarstva za obrazovanje, nauku i mlade, u skladu sa prilikom tih sredstava u Budžet Kantona Sarajevo za 2014. godinu i Ministarstvo za boračka pitanja, Ministarstvo saobraćaja i Ministarstvo za obrazovanje, nauku i mlade će pratiti utrošak istih.
14. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".
- Broj 02-05-25262-29/14 Vršilac funkcije
25. septembra 2014. godine Premijera
Sarajevo Muhamed Kozadra, s. r.

Ured za zakonodavstvo Vlade Kantona Sarajevo

Na osnovu člana 6. Uredbe o izmjenama i dopunama Uredbe o načinu i uslovima ostvarivanja prava na dodjelu stipendija borcima-braniteljima Bosne i Hercegovine i njihovoj djeci ("Službene novine Kantona Sarajevo", broj 16/14) i člana 4. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj 7/06 - Prečišćeni tekst) Ured za zakonodavstvo Vlade Kantona Sarajevo utvrdio je prečišćeni tekst Uredbe o načinu i uslovima ostvarivanja prava na dodjelu stipendija borcima - braniteljima Bosne i Hercegovine i njihovoj djeci.

Prečišćeni tekst Uredbe o načinu i uslovima ostvarivanja prava na dodjelu stipendija borcima - braniteljima Bosne i Hercegovine i njihovoj djeci obuhvata: Uredba o načinu i uslovima ostvarivanja prava na dodjelu stipendija borcima - braniteljima Bosne i Hercegovine i njihovoj djeci ("Službene novine Kantona Sarajevo", broj 24/02), Uredba o izmjenama i dopunama Uredbe o načinu i uslovima ostvarivanja prava na dodjelu stipendija borcima - braniteljima Bosne i Hercegovine i njihovoj djeci ("Službene novine Kantona Sarajevo", broj 23/04), Uredba o izmjenama i dopunama Uredbe o načinu i uslovima ostvarivanja prava na dodjelu stipendija borcima - braniteljima Bosne i

Hercegovine i njihovoj djeci ("Službene novine Kantona Sarajevo", broj 22/07), Uredba o izmjenama i dopunama Uredbe o načinu i uslovima ostvarivanja prava na dodjelu stipendija borcima - braniteljima Bosne i Hercegovine i njihovoj djeci ("Službene novine Kantona Sarajevo", broj 32/08) i Uredba o izmjenama i dopunama Uredbe o načinu i uslovima ostvarivanja prava na dodjelu stipendija borcima - braniteljima Bosne i Hercegovine i njihovoj djeci ("Službene novine Kantona Sarajevo", broj 16/14) u kojim je naznačen dan stupanja na snagu tih Uredbi.

Broj 09-02-25054/14 Ureda za zakonodavstvo
29. septembra 2014. godine Vlade Kantona Sarajevo
Sarajevo Ahmed Ljubović, s. r.

UREDBA

O NAČINU I USLOVIMA OSTVARIVANJA PRAVA NA DODJELU STIPENDIJA BORCIMA - BRANITELJIMA BOSNE I HERCEGOVINE I NJIHOVOJ DJECI

(Prečišćeni tekst)

I - OPĆE ODREDBE

Član 1.

Ovom uredbom utvrđuju se osnove, način, kriteriji i postupak za ostvarivanje prava na dodjelu stipendija licima iz člana 1. Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", broj 45/12 - Prečišćeni tekst) (u daljem tekstu: Zakon) i njihovoj djeci koji su imali boravište, odnosno prebivalište na području Kantona Sarajevo prijavljeno na Kantonu Sarajevo najdalje do 06.02.1999. godine i dalje neprekidno i koji se nalaze na redovnom školovanju i studiju u srednjim i visokoškolskim obrazovnim ustanovama.

Član 2.

Ministar za boračka pitanja Kantona Sarajevo donosi plan stipendiranja učenika u srednjim školama, višim i visokoškolskim ustanovama za svaku školsku godinu, a u skladu sa sredstvima odobrenim budžetom Kantona.

Član 3.

O stipendiranju učenika i studenata iz člana 1. ove uredbe stara se Ministarstvo za boračka pitanja, a koje program stipendiranja realizuje putem Fonda Kantona Sarajevo za stipendiranje i školovanje djece boraca, poginulih boraca i poginulih civila žrtava rata "IKRE" (u daljem tekstu: Fond "IKRE").

Fond "IKRE" će:

- raspisati konkurs;
- zaprimati prijave na konkurs;
- razmatrati zahtjeve za dodjelu stipendije;
- izvršiti rangiranje bodovanja i donijeti odluku o izboru kandidata;
- pratiti realizaciju zaključenih pojedinačnih ugovora o stipendiranju i
- vršiti doznaku sredstava stipendistima putem ovlaštene poslovne banke.

II - SREDSTVA

Član 4.

Po utvrđenim i odobrenim godišnjim sredstvima za stipendiranje učenika i studenata iz člana 1. Uredbe iz budžeta Kantona Sarajevo, sredstva se obezbjeđuju za:

- redovno školovanje učenika u srednjem obrazovanju 50%
- redovno školovanje studenata na višim i visokoškolskim ustanovama. 50%.

Raspodjela sredstava može, po potrebi, biti drugačija, a u zavisnosti od broja prijavljenih kandidata za dodjelu stipendija za pojedine vrste školovanja, a o čemu konačnu odluku donosi Ministarstvo za boračka pitanja Kantona Sarajevo uz saglasnost Vlade Kantona Sarajevo.

III - IZBOR KANDIDATA

Član 5.

Izbor kandidata za stipendiranje vrši se na osnovu prijave na konkurs. Konkurs raspisuje Fond "IKRE" uz saglasnost Ministarstva za boračka pitanja Kantona Sarajevo.

Konkurs sadrži:

- uslove i kriterije koje kandidati moraju ispunjavati;
- broj kandidata koji se stipendiraju;
- broj mjeseci na koje se stipendija odnosi i njen mjesečni iznos;
- rok za podnošenje prijave;
- potrebne isprave koje se prilažu uz prijavu na konkurs;
- adresu ili druge podatke (fax, e-mail) na koju se prijava na konkurs podnosi i
- druge eventualno potrebne podatke.

Konkurs za dodjelu stipendija se objavljuje u jednom od dnevnih listova koji izlaze na području Kantona Sarajevo i na drugi pogodan način (elektronski mediji, web stranice, oglasne ploče).

Rok za podnošenje prijave na Konkurs za dodjelu stipendija određuje Fond "IKRE" uz saglasnost Ministarstva za boračka pitanja Kantona Sarajevo za svaku školsku godinu posebno i isti objavljuje u tekstu Konkursa za dodjelu stipendija.

Član 6.

Fond "IKRE" raspisuje Konkurs za dodjelu stipendija najkasnije do 10. oktobra tekuće godine za narednu školsku godinu, a čiji se tekst objavljuje u jednom dnevnom listu koji izlazi na području Kantona i na drugi pogodan način koji odredi Fond "IKRE".

Fond "IKRE" je dužan, po obavljenom odabiru kandidata, u dnevnom listu u kojem je Konkurs za dodjelu stipendija bio objavljen, objaviti obavještenje o mjestu, roku i načinu uvida u odluku i spisak svih izabranih kandidata za stipendiranje.

Odluku o izboru kandidata i dodjeli stipendija donosi Fond "IKRE". Na odluku o izboru kandidata i dodjelu stipendija Fonda "IKRE" može se podnijeti prigovor ministru za boračka pitanja Kantona Sarajevo, u roku od 15 dana od dana objavljivanja obavještenja u dnevnom listu.

Član 7.

Briše se.

Član 8.

Briše se.

Član 9.

Za učenike i studente koji se prvi puta upisuju u srednju školu, višu ili visokoškolsku obrazovnu ustanovu za utvrđivanje prosjeka ocjena uzet će se u razmatranje prosjek ocjena završnog razreda osnovne, odnosno prosjek ocjena završnog razreda srednje škole.

IV - STIPENDIRANJE

Član 10.

Stipendije se isplaćuju za jednu školsku godinu i isplaćivat će se 9 (devet) mjeseci u kojima se nastava odvija u školskoj godini.

Član 11.

Visina mjesečne stipendije iznosi 100.- KM mjesečno.

Član 12.

Stipendija se ne može dodijeliti za dva ili više učenika iz iste porodice, licima koja već primaju stipendiju od nekog drugog organa, institucije ili fondacije, apsolventima i licima koja obavljaju školsku godinu.

Porodicu u smislu ove uredbe čini: bračni drug, djeca rođena u braku ili van braka, usvojena djeca, braća, sestre, kao i roditelji ako žive u zajedničkom domaćinstvu.

Izuzetno od stava 1. ovog člana, stipendija se može dodijeliti za više učenika - studenata iz iste porodice, ukoliko nije bilo

dovoljno prijavljenih kandidata, koji ispunjavaju uslove Konkursa za dodjelu stipendije po odredbama stava 1. ovog člana.

Član 13.

Prava i obaveze i druga pitanja o dodjeli i korišćenju stipendije regulisat će se preciznije u međusobno zaključenom Ugovoru između odabranog stipendiste i Ministarstva za boračka pitanja Kantona Sarajevo.

Ugovor o stipendiranju učenika, studenata sadrži: ime i prezime učenika - studenta, JMBG, ime i prezime roditelja (staratelja) i njegovu tačnu adresu, broj telefona, JMBG roditelja (staratelja), naziv škole i međusobna prava i obaveze učenika - studenta i Ministarstva za boračka pitanja Kantona Sarajevo.

Ugovor o stipendiranju potpisuju roditelj (staratelj) učenika, student i ministar za boračka pitanja Kantona Sarajevo ili lice koje on ovlasti.

Član 14.

Stipendije su nepovratne ukoliko stipendisti redovno ispunjavaju svoje školske obaveze.

Roditelj (staratelj) učenika i student koji je potpisnik ugovora o stipendiranju dužan je da vrati sav iznos sredstava, uz pripadajuću zakonsku kamatu, u roku od godinu dana, koje je primio za stipendiranje po osnovu ove uredbe u slučaju ako napusti redovno školovanje ili ako izgubi pravo na dalje školovanje.

Ministarstvo za boračka pitanja Kantona Sarajevo će putem Fonda "IKRE", obezbijediti kontrolu sprovođenja odredbi Ugovora i po potrebi pokretati postupke za raskid Ugovora i nadoknadu sredstava.

Član 15.

Ministar za boračka pitanja Kantona Sarajevo ima pravo da obustavi isplatu stipendije shodno uslovima po osnovu Uredbe i u slučaju nedostatka finansijskih sredstava u budžetu Kantona planiranih za ovu namjenu, a o čemu će korisnici stipendija biti pismeno obaviješteni.

V - KRITERIJI ZA DODJELU STIPENDIJA

Član 16.

Fond "IKRE" u razmatranju pristiglih zahtjeva za dodjelu stipendija utvrđuje broj bodova za svakog kandidata prema sljedećem:

1. Bodovi po osnovu rezultata u učenju:
 - za učenike prvog razreda srednje škole prosječna ocjena u devetom razredu osnovne škole zaokružena na jednu decimalu i pomnožena sa 10,
 - za učenike srednjih škola prosječna ocjena u prethodnoj školskoj godini zaokružena na jednu decimalu i pomnožena sa 10,
 - za studente na prvoj godini studija prosječna ocjena u IV razredu srednje škole zaokružena na jednu decimalu i pomnožena sa 19,
 - za studente viših godina studija prosječna ocjena u prethodnoj godini studija zaokružena na jednu decimalu i pomnožena sa 10,
2. Bodovi po osnovu otežanih uslova života koji su nastali kao posljedica agresije:
 - Učenik ili student bez jednog roditelja koji je poginuo kao pripadnik Oružanih snaga Bosne i Hercegovine. 20 bodova,
 - Učenik ili student za roditelja RVI-I grupe sa 100% invaliditetom 15 bodova,
 - Učenik ili student za roditelja RVI-II grupe sa 100 % invaliditetom 12 bodova,
 - Učenik ili student roditelja RVI-III grupe sa 90 % invaliditetom 9 bodova,
 - Učenik ili student za roditelja RVI-IV grupe sa 80 % invaliditetom 8 bodova,

- Učenik ili student za roditelja koji je RVI-V grupe sa 70 % invaliditetom 7 bodova,
- Učenik ili student za roditelja koji je RVI-VI grupe sa 60 % invaliditetom 6 bodova,
- Učenik ili student za roditelja RVI-VII grupe sa 50% invaliditetom 5 bodova,
- Učenik ili student za roditelja RVI-VIII grupe sa 40% invaliditetom 4 boda,
- Učenik ili student za roditelja RVI-IX grupe sa 30% invaliditetom 3 boda,
- Učenik ili student za roditelja RVI-X grupe sa 20% invaliditetom 2 boda,
- Učenik ili student za svakog člana porodičnog domaćinstva koji je RVI preko 50% 2 boda,
- Učenik ili student za roditelja pripadnika Oružanih snaga za svaki puni mjesec učešća a za koji su mu obračunate plaće kao pripadnika Oružanih snaga RBiH 1 bod,
- Borački status za svakog člana porodičnog domaćinstva 20 bodova.
- 3. Bodovi po osnovu dodjele ratnih priznanja:
 - Učenik ili student čiji su roditelji nosioci najviših ratnih priznanja 5 bodova.
- 4. Bodovi po osnovu niskog porodičnog standarda:
 - Učenik ili student čija porodica prima socijalnu pomoć ili je bez ikakvih primanja 20 bodova,
 - Učenik ili student čija porodica ima primanja koja po članu domaćinstva ne prelaze 16% prosječne neto plaće ostvarene u Kantonu u prethodnoj kalendarskoj godini, računajući i primanja iz oblasti boračko-invalidske zaštite 10 bodova,
 - Učenik ili student čija porodica ima primanja koja po članu domaćinstva ne prelaze iznos između 16% do 20% prosječne neto plaće ostvarene u Kantonu u prethodnoj kalendarskoj godini, računajući i primanja iz oblasti boračko-invalidske zaštite 5 bodova,
 - Učenik ili student čija porodica ima primanja koja po članu domaćinstva prelaze 20% prosječne neto plaće ostvarene u Kantonu u prethodnoj kalendarskoj godini, računajući i primanja iz oblasti boračko-invalidske zaštite 0 bodova,
 - Učenik ili student za svakog nezaposlenog punoljetnog člana porodičnog domaćinstva 2 boda.
- 5. Bodovi po ostalim osnovama:
 - Učenik ili student za svakog teško oboljelog člana porodičnog domaćinstva, a koji nije bodovan po osnovu ratne vojne invalidnosti (npr. maligna oboljenja, teška srčana oboljenja, dijabetes, moždani udar, PTSD i sl.) 2 boda,
 - Učenik ili student za svakog člana porodičnog domaćinstva na redovnom školovanju 2 boda,
 - Učenik ili student bez jednog roditelja koji je umro nakon agresije, a bio je u toku agresije pripadnik Oružanih snaga Bosne i Hercegovine i to:
 1. Umrli RVI. 10 bodova,
 2. Umrli borac - branitelj, koji je bio pripadnik Oružanih snaga Bosne i Hercegovine najmanje jednu godinu neprekidno u periodu od 20.06.1992. godine do 23.12.1995. godine 5 bodova.

Član 16a.

Stipendije bez bodovanja po odredbama člana 16. ove uredbe, ukoliko ispunjavaju uslove iz člana 1. ove Uredbe i ne obnavljaju razred ili godinu, dobivaju:

1. Djeca bez oba roditelja čiji su roditelji poginuli kao pripadnici Oružanih snaga Bosne i Hercegovine ili umrli

odnosno poginuli nakon agresije, a jedan od njih je bio pripadnik Oružanih snaga Bosne i Hercegovine najmanje jednu godinu neprekidno u periodu od 20.06.1992. godine do 23.12.1995. godine.

2. Jedno od djece koje bi u skladu sa kriterijima bodovanja imalo najviše bodova, iz porodice u kojoj se na redovnom školovanju nalaze troje i više djece, a čija ukupna primanja po članu domaćinstva ne prelaze 16% prosječne neto plaće ostvarene u Kantonu u prethodnoj kalendarskoj godini, računajući i primanja iz oblasti boračko-invalidske zaštite.

VI - ZAVRŠNE I PRIJELAZNE ODREDBE

Član 16b.

Sve imenice koje se odnose na korisnike prava i nosioce funkcija po ovoj uredbi upotrebene u muškom rodu, odnose se na oba spola.

Član 17.

Kada prijavljeni kandidati pri bodovanju imaju isti broj bodova, prednost će imati kandidati viših razreda odnosno godina studija i čiji je porodični standard niži.

Na osnovu člana 3. Uredbe o izmjeni i dopuni Uredbe o načinu i uvjetima rješavanja stambenih potreba boraca-branitelja Bosne i Hercegovine ("Službene novine Kantona Sarajevo", broj 26/14) i člana 4. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj 7/06-Prečišćeni tekst) Ured za zakonodavstvo Vlade Kantona Sarajevo utvrdio je prečišćeni tekst Uredbe o načinu i uvjetima rješavanja stambenih potreba boraca-branitelja Bosne i Hercegovine.

Prečišćeni tekst Uredbe o o načinu i uvjetima rješavanja stambenih potreba boraca-branitelja Bosne i Hercegovine obuhvata: Uredba o o načinu i uvjetima rješavanja stambenih potreba boraca-branitelja Bosne i Hercegovine ("Službene novine Kantona Sarajevo", broj 31/07), Uredba o izmjenama Uredbe o načinu i uvjetima rješavanja stambenih potreba boraca-branitelja Bosne i Hercegovine ("Službene novine Kantona Sarajevo", broj 23/09), Uredba o izmjenama i dopunama Uredbe o načinu i uvjetima rješavanja stambenih potreba boraca-branitelja Bosne i Hercegovine ("Službene novine Kantona Sarajevo", broj 10/11), Uredba o izmjeni i dopuni Uredbe o načinu i uvjetima rješavanja stambenih potreba boraca-branitelja Bosne i Hercegovine ("Službene novine Kantona Sarajevo", broj 33/12), Uredba o izmjeni Uredbe o načinu i uvjetima rješavanja stambenih potreba boraca-branitelja Bosne i Hercegovine ("Službene novine Kantona Sarajevo", broj 16/14) i Uredba o izmjeni i dopuni Uredbe o načinu i uvjetima rješavanja stambenih potreba boraca-branitelja Bosne i Hercegovine ("Službene novine Kantona Sarajevo", broj 26/14) u kojim je naznačen dan stupanja na snagu tih Uredbi.

Broj 09-02-25520/14

29. septembra 2014. godine
Sarajevo

Sekretar

Ureda za zakonodavstvo
Vlade Kantona Sarajevo
Ahmed Ljubović, s. r.

UREDBA

O NAČINU I UVJETIMA RJEŠAVANJA STAMBENIH
POTREBA BORACA - BRANITELJA BOSNE I
HERCEGOVINE

(Prečišćeni tekst)

POGLAVLJE I - OSNOVNE ODREDBE

Član 1.

(Osnovne odredbe)

Ovom uredbom se uređuju način, uvjeti i postupak za rješavanje stambenih potreba boraca - branitelja Bosne i Hercegovine (u daljnjem tekstu: borac - branitelj BiH), korisnici prava, zatim kriteriji za prvenstvo korištenja prava na novčanu pozajmicu,